

Erf.: Udal lokalak erabiltzeko Kate Sareagaz hitzarmena
Tx. zk.: 16/

Karmele Muñoa Arrigain andereak, Bermeoko Udaleko behin-behineko idazkariak, jarraian zehazten dan gaiari buruz egiten dot honako

TXOSTENA

Planteatutako gaia

Udalaren jabetzako lokala erabiltzeko Kate Sareagaz hitzarmena sinatzea onartzea.

Nork eskatu dauen txostena

Ofizioz.

Argudio juridikoak

a) Aurrekariak

Bakarra: Zerbitzu batzordeak Udal jabetzako lokala erabiltzeko Kate Sarea alkarreagaz hitzarmenak sinatzeko proposamena egin dau.

b) Oinarri juridikoak

Bakarra: Udal baliabide publikoen erabilpena, Udal Baliabideen Erabilpena eta Diru-laguntzak emotea arautzen dauan Udal arautegiaren II. Atalean arautzen da:

“10 art.

Bermeoko Udalak, Arautegi honetako 1 artikuluan azaltzen diran erakundeei, udal baliabide publiko batzuk erabiltzeko ahalmena emon leikie, hau da, altzariak, eraikuntzak , joereak edo beste honelako gauza edo materialeak, bere ekintza sozial edo eginkizunak garatzeko, aurreko artikuluan horretarako ezarritako erizpideak kontutan izanik.

11 art.

Eraikuntza ondasunen erabilpena, Udalak erabakiko dau indarreko legediaren arabera.

12 art.

Inolaz ere, ezin izango da, mugagabeko aldi baterako erabilpenak erabaki. Epea, bost urtetakoa izango da, nahiz eta, luzatu ahal izan Udalaren aldetik, epe bardenetan.

Udalak, ondasun hori aurreko atalean ezarritako epea baino lehen izatea behar baleu, zerbitzu bereziren bat jartzeko, epea amaitu baino lehen itzi daiteke balio barik, Erakunde interesadunari oharatu ondoren, ondasunaren behar izan premiazkoaren arabera finkatuko dalarik epe hori.

13 art.

1. Erakundeari baimendutako eraikuntzearen erabilpena. baimen hori arrazoitzen dan helburuetatik kanpoko bostetarako ez da izango.

2. Urtebeteko ondasunaren erabilpen ezak, baliogabetzea eragingo dau, behar dan moduan egiaztatutako zioekaitik ez balitz.

Udalaren eskuetan egongo da, Erakundeari audientzia emon ondoren, kasu zehatz bakoitzean aztertzea, itzitako ondasunaren ez erabilpena arrazoitzeko alegatutako.

Edozelan ere, behartuta geratzen da Erakundea, urtea igaro orduko Udalaren jakintasunean jartzen, ondasuna ez erabiltzeko gertatutakoa.

14 art.

Eraikuntzak itzi ezkeru, Erakundea arduratuko da, ondasun hori eta bere instalazioak behar dan moduan mantentzeko, Erakunde horri, behar diran neurriak hartzeko agindua emon leikiolarik.

15. art.

Erabilpen epea amaitu ondoren. eta luzaluko ez balitz, eraikuntza edo instalazioak Udalari itzuliko jakoz, Erakundearen aldetik, emoitza egunean egon ez diran gauza guztiak kendu daitekezararik, eta ondasunoi lotuta ez balegoz, inolako ezabakuntza edo kalterik eragin barik.

Udalak, itzultako ondasunak hartzerakoan, Erakundeko Lehendakari edo Ordezkararen aurrean, jagokon Agiria jasoko da. Ordezkar hori egongo ez balitz ere bardin egingo da, Udal Arkitektoak sinatu beharko daualarik.

Agiri horretan, agertuko da. itzultako ondasunen egoerea. ikusten diran ezabapenak zehaztuz Akatsik balego. Agirian azaldutakoa oinarritzat harturik, espedientea zabalduko da, han azalduko dira, Erakundeari eskatu behar jakozan konponketen dirutzea, behar izana balego, administrazioaren premiabidera joz.

16 art

Arautegi honen babeseko baimen guztietan, euren arabera emongo diran atalak finkatuko dira

17 art.

1 Udalak emondako diru-laguntza edo laguntza zehatzen bidce. ekintza berezi batzuk antolatzeko, Erakunde batek erositako materiale edo gaiak, deposito modura izango dabez, euren zaipen eta mantenuaz zuzenki arduratuko dira. ekintzetan erabili ondoren, eta beste saio batzutan erabili ahal izateko.

2 Udalak zehaztuko dau bakoitzean, aurreko atalean agertutako gaiak. udal tokiren batetan gordetea, horrek erabilitako ekintzea amaitu ondoren, Udalak berak zainduz.

3. Erakundearen erruz gertatzen dan edozein akatsen erantzunkizuna izango dau berak, Udalaren aurrean.

18. art.

Erakundea ezereztatzea edo desagertzea. Udalak emondako udal baliabideen edozein erabilpen erabaki baliogabetuko dau".

Informatzen doguna, legean oinarritutako beste edozein txostenen kalte barik.

Bermeon, 2016ko uztailaren 20an.

Karmele Muñoa Arrigain
Behin-behineko Idazkaria